

全上古三代秦漢  
三國六朝文

三國晉第四函  
函十冊

全晉文卷八

烏程嚴可均校輯

元帝

帝諱睿字景文宣帝曾孫惠帝之從弟元康二年襲父觀爵琅邪王太安中加平東將軍鎮下邳遷安東將軍永嘉初鎮建鄴加鎮東大將軍開府儀同三司建興初加右丞相進丞相大都督中外諸軍事承制呂建興五年三月卽晉王位改元建武明年三月卽皇帝位改元二太興永昌在位五年諡曰元皇帝廟號中宗

議小功不稅服制

小功總麻或垂竟聞問宜全服否得服其殘月呂爲永制

通典九十八晉

元帝制

加王導領中書監錄尙書事詔

昔荀公曾從中書監爲尙書令人賀之乃發恚云奪我鳳皇池卿

諸人賀我邪願足下處之勿疑

魏文類聚四十八引檀道鸞晉陽秋又見御覽二百二十

命議溫嶠不拜散騎侍郎詔

建武元年

溫嶠不拜已未得改卜葬送朝議又頗有異同爲審由此邪天下  
有闕塞行禮制物者當使禮可通經古人之制三年非情之所盡  
蓋存亡有斷不己死傷生耳要經而服金革之役者豈營官邪隨  
王事之緩急也今桀逆未梟平陽道斷奉迎諸軍猶未得徑進嶠  
特一身於何濟其私艱而已理閔自疑不服王命邪其令三司八  
座門下三省外內羣臣詳共通議如嶠比吾將親裁其中

晉書禮志中又

見通典一百二

報有司奏治高車詔

今日但治故乃近三十萬邪勿使過節整頓也

北堂書鈔未刪改本一百三十九引

晉起居注建武元年有司奏車府令戒嚴上作高車用雜總求處給請出上庫錢六十七萬六千六百詔云云

大四百零五  
小一百零五

詔議中郎李幹事

建武中

前敦循所奏唯聞喪不得奔者作制如李幹比竟未決之宜急議

定

通典九十八

復議李幹事詔

組所陳不知父母存亡者令行服比於有情其尙有疑然要當詳

議此理令可通經不得曰難安隱而直爾置之皆一代事理道所

宜先明

通典九十八

課督農功詔

元帝爲晉王時

二千石長吏曰入穀多少爲殿最其非宿衛要任皆宜赴農使軍

各自佃作卽已爲廩

晉食貨志

改元大赦詔

大興元年

制詔昔我高祖宣皇帝誕膺期運廓開皇基景皇帝文皇帝奕葉重光緝熙諸夏爰暨武皇帝應天順時受茲明命功格天地仁濟

宇宙昇平刑措卅餘載矣昊天不融降此鞠凶懷帝短折越去王  
都天禍薦臻大行皇帝崩徂社稷無奉六合無主肆羣后三司六  
事之人弘鑒古訓刑于興廢疇咨庶尹至于華戎致輯大命於朕  
躬余一人畏天之威用弗敢違遂登壇南岳受終文祖焚柴頒瑞  
告類上帝惟朕寡德績戎洪緒君臨四海惴惴憂懼若涉川冰罔  
知攸濟惟爾股肱爪牙之佐文武熊羆不貳心之臣用能宣力四  
方左右我先帝弼監晉室輔余一人思與萬國共同休慶其大赦  
天下改建武二年爲太興元年

文館詞林六百六十  
八又見晉書元帝紀

詔官吏

元年三月壬申

昔之爲政者動人曰行不曰言應天曰實不曰文故我清靜而人  
自正其次聽言觀行明試曰功其有政績可述刑獄得中人無怨  
訟久而日新及當官軟弱茹柔吐剛行身穢濁脩飾時譽者各曰  
名聞令在事之人仰鑒前烈同心戮力深思可曰寬眾息役惠益

百姓無廢朕命遠近禮贄一切斷之

晉書元帝紀

詔報孔愉

四月

所陳有正義輒敕外改之

宋書禮志一中書侍郎孔愉奏若日有變便伐鼓於諸門有違舊典詔云云又

見通典七十八

禁招魂葬詔

四月

夫冢已藏形廟已安神今世招魂葬是埋神也其禁之

御覽五百五十五又

八百八十六引晉中興書東海王越妃裴痛越棺柩被焚乃招魂葬越於丹徒中宗曰爲非禮乃下詔

詔二千石

七月戊申

王室多故姦凶肆暴皇綱弛墜顛覆大猷朕已不德統承洪緒夙夜憂危思改其弊二千石令長當祇奉舊憲正身明法抑齊豪強存恤孤獨隱實戶口勸課農桑州牧刺史當互相檢察不得顧私虧公長吏有志在奉公而不見進用者有貪恡穢濁而己財勢自安者若有不舉當受故縱蔽善之罪有而不知當受闇塞之責各



明慎奉行

晉書元帝紀

趨徐揚二州種麥詔

元年

徐揚二州土宜三麥可督令煠地投秋下種至夏而熟繼新故之交於呂周濟所益甚大昔漢遣輕車使者汜勝之督三輔種麥而

關中遂穰勿令後晚

晉食貨志

平糴詔

元年

亢旱穀貴百姓嗷嗷有資者貴糴貧羸之民益困漢世穀貴官賤糴使價不超越謂之平準今雖無此可出關米萬斛使三分減一

呂平其價令貧困者悉得足呂全秋也

御覽三十五引晉中興書

災異見詔百官陳得失

十一月庚申

朕呂寡德纂承洪緒上不能調和陰陽下不能濟育羣生災異屢興咎徵仍見壬子乙卯雷震暴雨蓋天災譴戒所呂彰朕之不德也羣公卿士其各上封事具陳得失無有所諱將親覽焉

晉書元帝紀

詔訪吳地先賢未旌錄者

十二月

漢高經大梁美無忌之賢齊師入魯脩柳下惠之墓其吳之高德名賢或未旌錄者具條列

晉書元帝紀又見咸淳臨安志四十

下刁協詔

太興初

尚書令協抗志高亮才鑒博朗朕甚喜之

初學記十一御覽二百一十引晉中興書

諸葛恢增秩詔

太興初

自頃多難官長數易益有諸弊雖聖人猶久於其道然後化成況其餘乎漢宣帝稱與我共安天下者其惟良二千石斯言信矣是日黃霸等或十年或二十年而不徙所召能濟其中興之勳也賞罰黜陟所召明政道也會稽內史諸葛恢蒞官三年政清人和爲諸郡首宜進其位班召勸風教今增恢秩中二千石

晉書諸葛恢傳

詔答諸葛恢

今送一犀導小物耳然是情發於中而寄乎物

御覽六百八十八引諸葛恢集



今致琉璃盃一枚

御覽七百六十引諸葛恢集

今致琉璃枕一

御覽八百八引諸葛恢集

報荀崧請增博士詔

太興初

崧表如此皆經國之務為政所由息馬投戈猶可講藝今雖日不

暇給豈忘本而遺存邪可共博議者詳之

晉書荀崧傳

省務恤民詔

大興二年五月

天下凋弊加已災荒百姓困窮國用並匱吳郡飢人死者百數天生蒸黎而樹之已君選建明哲已左右之當深思已救其弊昔吳起為楚悼王明法審令損不急之官除廢公族疏遠已附益將士而國富兵強況今日之弊百姓凋困邪且當去非急之務非軍事所須者皆省之

晉書元帝紀又見咸淳臨安志四十

加荀組錄尚書詔

八月

司徒荀組宜讚朝政令錄尚書給班劍六十人

書鈔五十九引晉起居注

議定改葬服詔

二年

制詔司徒表禮雖無墳墓毀廢正文然依附名例不爲無准吾謂改葬總通制也已修復不臨尸柩素服可也而士大夫率意輕重不同其下太常議定

通典一百二

許新蔡王滔還襲章武詔

二年

滔雖出養自有所生母新蔡太妃相待甚薄滔執意如此如其不聽終當紛紜更爲不可今便順其所執還襲章武

晉書宗室河間王洪傳

詔更議宗廟祭儀

太興三年正月

吾雖上繼世祖然於懷愍皇帝皆北面稱臣今祠太廟不親執觴酌而令有司行事於情禮不安可依禮更處

晉禮志上宋禮志三

報鍾雅詔

禮事宗廟自曾孫已下皆稱曾孫此非因循之失也義取於重孫可歷世共其名無所改也稱伯祖不安如所奏

晉書鍾雅傳

立懷德縣詔

七月丁亥

先公武王先考恭王臨君琅邪四十餘年惠澤加於百姓遺愛結於人情朕應天符創基江表兆庶宅心繼負子來琅邪國人在此者近有千戶今立爲懷德縣統丹陽郡昔漢高祖曰沛爲湯沐邑光武亦復南頓優復之科一依漢氏故事

晉書元帝紀

召邵續子緝爲北平將軍詔

三年

邵續忠烈在公義誠慷慨綏集荒餘憂國亡身功勳未遂不幸陷沒朕用悼恨于懷所統任重宜時有代其部曲文武已共推其息緝爲營主續之忠誠著于公私今立其子足曰安眾一曰續本位卽授緝使總率所統效節國難雪其家仇

晉書邵續傳

通議諡法詔

三年

古者皆諡名實相稱頃來有爵乃諡非聖賢本意通議之

通典一百四

太子釋奠詔

三年

大四百五十  
小六十四

未有高車可乘安車

宋書禮志五

釋奠太學詔

吾識太子此事祠訖便請王公曰下者昔在洛時嘗豫清坐也

宋書

禮志

呂譙王承爲湘州刺史詔

三年

夫王者體天理物非羣才不足濟其務外建賢哲曰樹風聲內睦親親曰廣藩屏是呂太公封齊伯禽居魯此先王之令典古今之通義也我晉開基列國相望乃授琅邪武王鎮統東夏汝南文武總一淮許扶風梁王迭據關右爰暨東瀛作司并州今公族雖寡不逮曩時豈得替舊章乎散騎常侍右將軍譙王承貞素款亮志存忠恪便藩左右恭肅彌著今呂承監湘州諸軍事南中郎將湘

州刺史

晉書宗室譙王承傳

湘州南楚岨固曰叔父居之

書鈔七十二引晉中興書

中州良人詔

太興四年五月庚申

昔漢二祖及魏武皆免良人武帝時涼州覆敗諸爲奴婢亦皆復籍此累代成規也其免中州良人遭難爲揚州諸郡僮客者已備

征役

晉書元帝紀

報賽不應告廟詔

四年

祈廟云報賽非奉尊上辭也吾意有疑曰爲舊山川有許報故雨

賽非大事不應告廟臣子無要君之道黯稱賽于禮有違

御覽五百二十

九引晉中興書

報刁協詔

四年

知難而退誠合兵家之言然小賊雖狡猾故成擒耳未戰而退先自摧衄亦古之所忌且邵存已據戰壘威勢旣振不可退一步也

晉書蔡豹傳

治兵詔

四年

大三百八十五  
小六十八

左右衛及諸營敎習依大習儀作雁羽仗

宋書禮志一

呂盧諶爲員外散騎侍郎詔

四年

今呂前司空從事中郎盧諶爲散騎侍郎在員外

御覽二百二十四引晉起居注

下晉陵內史張闓詔

太興中

夫二千石之任當勉勵其德綏齊所莅使寬而不縱嚴而不苛其於勤功督察便國利人抑彊扶弱使無雜濫真太守之任也若聲過其實古人所不取攻乎異端爲政之甚害蓋所貴者本也

晉書張闓傳

呂張闓爲大司農詔

太興中

丹陽侯闓昔呂勞役部人免官雖從吏議猶未掩其忠節之志也

倉廩國之大本宜得其才今呂闓爲大司農

晉書張闓傳

報周顗詔

太興中

紹幼沖便居儲副之貴當賴軌匠呂祛蒙蔽望之儼然斯不言之



益何學之習邪所謂與田蘇遊忘其鄙心者便當副往意不宜沖

讓

晉書周顗傳

誠周顗詔

太興中

顗參副朝右職掌銓衡當敬慎德音式是百辟屢日酒過爲有司所繩吾亮其極權之情然亦是濡首之誠也顗必能克已復禮者

今不加黜責

晉書周顗傳

贈諡故太尉劉琨詔

太興中

故太尉廣武侯劉琨忠亮開濟乃誠王家不幸遭難志節不遂朕甚悼之往日戎事未加弔祭其下幽州便依舊弔祭贈侍中太尉

諡曰愍

晉書劉琨傳

轉太常華恆爲廷尉詔

太興中

太常職主宗廟烝嘗敬重而華恆所疾不堪親奉職事夫子稱吾不與祭如不祭況宗伯之任職所司邪今轉恆爲廷尉

晉書華表附傳

討王敦詔 永昌元年正月

王敦憑恃寵靈敢肆狂逆方朕太甲欲見幽囚是可忍也孰不可忍也今親率六軍已誅大逆有殺敦者封五千戶侯召戴若思劉

隗竝會京師

晉書王敦傳又見魏書晉司馬睿傳

呂周顗王邃爲左右僕射詔 三月

尙書分置左右僕射所已廣登賢俊經始萬機護軍周顗可左僕

射領軍王邃可右僕射

御覽二百二十一引晉起居注

封少子昱爲琅邪王詔

三月甲申

先公武王先考恭王君臨琅邪繼世相承國嗣未立慈嘗靡主朕常悼心子昱仁明有智度可已虔奉宗廟已慰罔極之恩其封昱爲琅邪王食會稽宣城如舊

晉書簡文帝紀

詔

朕膺天符創基江左

文帝頭陀寺碑注引晉中興書元帝詔

弔贈楊郃策

惟永嘉七年四月己未使持節都督江陽諸軍事鎮東大將軍琅邪王睿謹遣板命前衡陽內史楊君忠肅貞固守正不移口雖危逼節義可嘉不幸隕卒孤城口甚悼之今列上尚書贈君淮南內史魂而有靈嘉茲寵榮嗚呼哀哉

華陽國志十一

追贈敬虞皇后冊

太興三年八月辛酉

皇帝咨前琅邪王如虞氏朕祇順昊天成命用陟帝位悼妃夙徂徽音潛翳御於家邦靡所儀刑陰教有虧用傷于懷追號制諡先王之典今遣使持節兼太尉萬勝奉冊贈皇后璽綬祀曰太牢魂而有靈嘉茲寵榮

晉書元敬虞后傳

蠲除法禁令

初承制

禮樂不興則刑罰不中是曰明罰敕法先王所慎自元康已來事故薦臻法禁滋漫大理所上宜朝堂會議蠲除詔書不可用者此